

ISSN: 2181-9416



# ЮРИСТ АХБОРОТНОМАСИ

ВЕСТНИК ЮРИСТА \* LAWYER HERALD

ҲУҚУҚИЙ, ИЖТИМОИЙ, ИЛМИЙ-АМАЛИЙ ЖУРНАЛ



CYBERLENINKA

НАУЧНАЯ ЭЛЕКТРОННАЯ  
БИБЛИОТЕКА  
LIBRARY.RU

ISSN 2181-9416  
Doi Journal 10.26739/2181-9416

# ЮРИСТ АХБОРОТНОМАСИ

3 СОН, 2 ЖИЛД

## ВЕСТНИК ЮРИСТА

НОМЕР 3, ВЫПУСК 2

## LAWYER HERALD

VOLUME 3, ISSUE 2



TOSHKENT-2022

**КОНСТИТУЦИЯВИЙ ҲУҚУҚ. МАЪМУРИЙ ҲУҚУҚ.  
МОЛИЯ ВА БОЖХОНА ҲУҚУҚИ**

<b>1. РАХМОНОВ Зафаржон Зайниддинович</b> ДАВЛАТ ХИЗМАТИ ВА ДАВЛАТ ФУҚАРОЛИК ХИЗМАТИНИНГ ЎЗАРО ФАРҚЛИ ТОМОНЛАРИ .....	8
<b>2. ХУДЖАМОВА Камола</b> СОВРЕМЕННЫЕ ТЕНДЕНЦИИ РАЗВИТИЯ КОНСТИТУЦИОННОГО ПРАВА В УСЛОВИЯХ ФОРМИРОВАНИЯ ИНФОРМАЦИОННОГО И ЦИФРОВОГО ОБЩЕСТВА ....	13
<b>3. ХАМРОЕВ Элдор Отамуродович</b> СТАТУС СТОЛИЦЫ РЕСПУБЛИКИ УЗБЕКИСТАН – ГОРОД ТАШКЕНТА КАК ГОРОД РЕСПУБЛИКАНСКОГО ПОДЧИНЕНИЯ.....	23

**ФУҚАРОЛИК ҲУҚУҚИ. ТАДБИРКОРЛИК ҲУҚУҚИ.  
ОИЛА ҲУҚУҚИ. ХАЛҚАРО ХУСУСИЙ ҲУҚУҚ**

<b>4. БАБАКУЛОВ Зафар Курбонназарович</b> ТОВАР БЕЛГИСИГА ПАРОДИЯ ЁКИ КИНОЯ: ҚОНУНИЙ ЁКИ НОҚОНУНИЙ ҲИСОБЛАШ МАСАЛАСИ.....	32
<b>5. DJUMANOV Askar</b> LEGAL ANALYSIS OF MONEY AS THE OBJECT OF CIVIL RIGHTS .....	38
<b>6. ДЖАМБАКИЕВА Феруза Бахтахуновна</b> ТАДБИРКОРЛИК СОҲАСИДА ВОСИТАЧИЛИК ШАРТНОМАСИНИНГ ҚЎЛЛАНИЛИШИ.....	43
<b>7. МАҲМУДХОДЖАЕВА Умида Муминовна</b> БОЛАДАН АЛОҲИДА ЯШАЁТГАН ОТА (ОНА)НИНГ ОТА-ОНАЛИК ҲУҚУҚЛАРИНИ АМАЛГА ОШИРИШ МУАММОЛАРИ.....	48
<b>8. БАҲРАМОВА Моҳинур Бахрамовна</b> ХАЛҚАРО АРБИТРАЖ НИЗОЛАРИНИ СУНЪИЙ ИНТЕЛЛЕКТ ТОМОНИДАН ҲАЛ ЭТИЛИШИ МАСАЛАЛАРИ .....	54
<b>9. АБДУҚОДИРОВ Абдурауф Баходир ўғли</b> ЮРИДИК ШАХС МИЛЛАТИНИ АНИҚЛАШДА НАЗОРАТ МЕЗОНИНИ ҚЎЛЛАШ МУАММОЛАРИ .....	62

**ЖИНОЯТ ҲУҚУҚИ, ҲУҚУҚБУЗАРЛИКЛАРНИНГ ОЛДИНИ ОЛИШ.  
КРИМИНОЛОГИЯ. ЖИНОЯТ-ИЖРОИЯ ҲУҚУҚИ**

<b>10. АДИЛОВ Бахрамбек Кахраманович</b> ЖИНОИЙ ЖАЗОНИ ИЖРО ЭТИШ ФАОЛИЯТИНИ ТАРТИБГА СОЛУВЧИ ҚОНУН ҲУЖЖАТЛАРИНИНГ ТАВСИФИ ВА ЎЗИГА ХОС ХУСУСИЯТЛАРИ .....	68
<b>11. DJALILOV Furkat</b> ISSUES OF LIABILITY FOR CRIMES RELATED TO THE PROPERTY INTERESTS OF A CIVIL SERVANT IN THE CRIMINAL LAW OF SOME FOREIGN COUNTRIES .....	76

**ЖИНОЯТ ПРОЦЕССИ. КРИМИНАЛИСТИКА,  
ТЕЗКОР-ҚИДИРУВ ҲУҚУҚ ВА СУД ЭКСПЕРТИЗАСИ**

<b>12. НИЯЗОВ Максуд Кадамович</b> ДОПУСТИМОСТЬ ДОКАЗАТЕЛЬСТВ, ПОЛУЧЕННЫХ В ПРОЦЕССЕ ПРИМЕНЕНИЕ МЕР ПРОЦЕССУАЛЬНОГО ПРИНУЖДЕНИЯ НА СТАДИИ ДОСЛЕДСТВЕННОЙ ПРОВЕРКИ.....	84
---	----

<b>13. ГОФУРОВ Бобур Аскаржон угли</b> ПРЕДВАРИТЕЛЬНОЕ СЛУШАНИЕ ПО УГОЛОВНОМУ ДЕЛУ: ВОПРОСЫ ТЕОРИИ И ПРАКТИКИ.....	95
--	----

**ХАЛҚАРО ҲУҚУҚ ВА ИНСОН ҲУҚУҚЛАРИ**

<b>14. САИДОВА Лола Абдувахидовна</b> ГЕНДЕРНЫЕ АСПЕКТЫ ДОСТИЖЕНИЯ ЦЕЛЕЙ УСТОЙЧИВОГО РАЗВИТИЯ .....	100
<b>15. АЗХОДЖАЕВА Роза Алтыновна</b> МЕЖДУНАРОДНО-ПРАВОВОЕ РЕГУЛИРОВАНИЕ ГЕННО-МОДИФИЦИРОВАННЫХ ПРОДУКТОВ В РАМКАХ ВТО .....	106

**ҲУҚУҚИЙ АМАЛИЁТ ВА ХОРИЖИЙ ТАЖРИБА**

<b>16. ИШАНХОДЖАЕВ Саидахмад Акрамович</b> ЎЗБЕКИСТОНДА ТОВАР-ХОМ АШЁ БИРЖА САВДОЛАРИДА ПРОФЕССИОНАЛ ФАОЛИЯТНИ ТАРТИБГА СОЛИШГА ОИД АЙРИМ МАСАЛАЛАР .....	112
<b>17. САФАРОВ Темур Уктамович</b> ДАВЛАТ ҲОКИМИЯТИ ВА БОШҚАРУВИ ОРГАНЛАРИ ФАОЛИЯТИНИ ОЧИҚЛИГИНИ ТАЪМИНЛАШНИНГ ҲУҚУҚИЙ ЖИҲАТЛАРИ .....	120
<b>18. ТИЛЛАБОЕВ Шохрухбек</b> ИМПЛЕМЕНТАЦИЯ ОПЫТА ВЕЛИКОБРИТАНИИ И ЕВРОПЕЙСКОГО СОЮЗА В СФЕРЕ ЗАЩИТЫ ПЕРСОНАЛЬНЫХ ДАННЫХ В ЗАКОНОДАТЕЛЬСТВО РЕСПУБЛИКИ УЗБЕКИСТАН .....	125
<b>19. ТОШБОЕВА Робия Собировна</b> ТРАНСГРАНИЧНЫЕ ВОДЫ ЦЕНТРАЛЬНОЙ АЗИИ И ИХ ВЛИЯНИЕ НА ФОРМИРОВАНИЕ ВОДНО-КАДАСТРОВОЙ ИНФОРМАЦИИ УЗБЕКИСТАНА.....	131

# ЮРИСТ АХБОРОТНОМАСИ ВЕСТНИК ЮРИСТА LAWYER HERALD

## КОНСТИТУЦИЯВИЙ ҲУҚУҚ. МАЪМУРИЙ ҲУҚУҚ. МОЛИЯ ВА БОЖХОНА ҲУҚУҚИ

**РАХМОНОВ Зафаржон Зайниддинович**

Ўзбекистон Республикаси Адлия вазирлиги қошидаги  
Юристар малакасини ошириш маркази ўқитувчиси

E-mail: [z.raxmanov95@gmail.com](mailto:z.raxmanov95@gmail.com)

### ДАВЛАТ ХИЗМАТИ ВА ДАВЛАТ ФУҚАРОЛИК ХИЗМАТИНИНГ ЎЗАРО ФАРҚЛИ ТОМОНЛАРИ

**For citation (иқтибос келтириш учун, для цитирования): РАХМОНОВ З.З.** Давлат хизмати ва давлат фуқаролик хизматининг ўзаро фарқли томонлари // Юрист ахборотномаси – Вестник юриста – Lawyer herald. № 3 (2022) Б. 8-12

 3 (2022) DOI <http://dx.doi.org/10.26739/2181-9416-2022-3-1>

#### АННОТАЦИЯ

Мақолада давлат хизмати ва давлат фуқаролик хизматининг ўзаро фарқли томонлари олимларнинг фикри асосида назарий жиҳатдан таҳлил қилинган. Шунингдек, давлат хизмати ва давлат фуқаролик хизматининг ўзаро фарқли томонлари бўйича айрим хорижий давлатлар, хусусан АҚШ, Франция, Германия ва Жанубий Корея каби давлатларнинг тажрибаси ўрганилган. Мақолада “давлат хизмати”, “давлат фуқаролик хизмати”, “давлат хизматчиси”, “давлат фуқаролик хизматчиси” тушунчаларини изоҳлаш, давлат фуқаролик хизматчиларининг реестрини шакллантириш ва уларнинг категорияларини белгилаш бўйича таклифлар илгари сурилган.

**Калит сўзлар:** давлат хизмати, давлат фуқаролик хизмати, давлат хизматчиси, чет давлатлар амалиёти.

**РАХМОНОВ Зафаржон Зайниддинович**

Преподаватель Центра повышения квалификации юристов  
при Министерстве юстиции Республики Узбекистан

E-mail: [z.raxmanov95@gmail.com](mailto:z.raxmanov95@gmail.com)

### ОТЛИЧИТЕЛЬНЫЕ СТОРОНЫ ГОСУДАРСТВЕННОЙ И ГРАЖДАНСКОЙ СЛУЖБЫ

#### АННОТАЦИЯ

В статье теоретически анализируются различия между государственной службой и государственной гражданской службой на основе мнения ученых. Также изучен опыт некоторых зарубежных стран, в частности США, Франции, Германии, Южной Кореи по

различным аспектам государственной службы и государственной гражданской службы. В статье выдвигаются предложения по разъяснению понятий «государственная служба», «государственная гражданская служба», «государственный служащий», «государственный гражданский служащий», по созданию реестра государственных гражданских служащих и определению их категорий.

**Ключевые слова:** государственная служба, государственная гражданская служба, государственный служащий, практика зарубежных стран.

**RAKHMONOV Zafarjon Zayniddinovich**

Lecturer at the Lawyers' Training Center under the  
Ministry of Justice of the Republic of UzbekistanE-mail:  
[z.raxmanov95@gmail.com](mailto:z.raxmanov95@gmail.com)

## THE DIFFERENT ASPECTS OF PUBLIC SERVICE AND PUBLIC CIVIL SERVICE

### ANOTATION

The article provides a theoretical analysis of the different between aspects of public and civil services based on the views of scientists. Furthermore, the experience of the different aspects of public and civil services of the countries such as the United States, France, Germany and South Korea have been examined. The article provides proposes on explaining the concepts of “public service”, “public civil service”, “public servant”, “public civil servant”, and forming the register of public civil servants and defining their categories.

**Keywords:** public service, public civil service, public servant, practice of foreign countries.

Давлат бошқарув тизими самарадорлигини такомиллаштиришда профессионал давлат хизматининг самарали тизимини шакллантириш алоҳида аҳамият касб этади. Ўзбекистон Республикаси Президенти томонидан 2019 йил 3 октябрь куни имзоланган “Ўзбекистон Республикасида кадрлар сиёсатини ва давлат фуқаролик хизмати тизимини тубдан такомиллаштиришга оид биринчи навбатдаги чора-тадбирлар тўғрисида”ги ПФ-5843-сон Фармони [1] давлат хизматини, хусусан давлат фуқаролик хизматини ислоҳ қилиш бўйича яна бир қадам бўлди.

Фармонда ўз фаолиятини давлат фуқаролик хизмати лавозимларининг давлат реестрига киритилган лавозимларда амалга оширувчи Ўзбекистон Республикасининг фуқароси давлат фуқаролик хизматчиси ҳисобланиши белгиланди.

**“Давлат хизмати” ва “Давлат фуқаролик хизмати” тушунчаларининг ўзаро фарқли томонлари борми ёки бир хил тушунчаларми?**

Одатда, мазкур тушунчаларни давлат хизмати бўйича умумий назариялардан ва муайян давлат амалиётидан келиб чиқиб фарқлаш мумкин.

Дастлаб тушунчаларни назарий жиҳатдан таҳлил қилиб кўрайлик.

Давлат хизмати тушунчасига кўпчилик олимлар турлича таъриф беришган. Жумладан, ҳуқуқшунос олим Б.М.Лазерев “Давлат хизмати – давлатга хизмат қилиш, яъни унинг талаби билан маълум бир пул мукофоти эвазига давлат органида давлат олдида турган вазифа ва функцияларни амалга ошириш бўйича бўладиган фаолиятдир”[2, Б.5-6] деб таъриф берган.

Яна бир тадқиқотчи Ю.Н.Стариков “давлат хизмати” ни таърифлар экан, уни оммавий хизматдан фарқлайди: “Давлат ва маҳаллий органларда амалга ошириладиган хизмат – бу оммавий хизмат бўлиб, оммавий ҳокимият органларида амалга оширилади. Давлат хизмати – давлат корхоналари, муассасалари, ташкилотлари ва бирлашмаларида амалга ошириладиган хизматдир.” Шу билан бирга, Ю.Н.Стариков депутатлар, давлатда олий мансабларни эгаллаб турган шахслар (Президент, вакиллик ва ижро ҳокимияти органларининг раҳбарлари, вазирлар) давлат хизматчиси эмас, оммавий-ҳуқуқий хизмат мақомига эга эканлигини таъкидлайди [2, Б.131].

Бизнинг фикримизча давлат хизмати бу – давлатнинг вазифа ва функцияларини амалга оширишда иштирок этадиган, бажарилган ишлар учун давлат томонидан муаян ҳақ тўлаб бориладиган фаолият ҳисобланади. Яъни бу хизмат ижтимоий-сиёсий ва юридик категория бўлиб, ижтимоий-сиёсий жиҳатдан давлатнинг ўз функцияларини бажаришининг усул ва воситалар мажмуини, давлат хизматини ташкил этиш ва бошқариш тизимини

назарда тутса, юридик жиҳатдан давлат хизматини ташкил этиш ва ўташ муносабатларини мувофиқлаштирувчи ҳуқуқий нормалар тизимини англатади. Мисол тариқасида солиқ, божхона, маҳаллий давлат ҳокимияти ва ҳуқуқни муҳофаза қилувчи органлардаги хизматларни келтириш мумкин.

Давлат фуқаролик хизмати бу – давлат хизматига қараганда торроқ тушунча ҳисобланиб, фақатгина белгиланган доирадаги, яъни махсус реестрига киритилган лавозимларда ўз фаолиятини олиб борадиган давлат хизматчилари деб тушуниш мумкин.

Энди эса юқоридаги тушунчаларни чет давлатлар амалиётидан келиб чиқиб фарқлашга уриниб кўрсак. Ривожланган хорижий мамлакатларда давлат хизматини ташкил этиш ва таснифлаш бўйича турлича ёндашувлар мавжуд бўлиб, ушбу тизим давлат сиёсатининг хусусиятидан келиб чиққан ҳолда ташкил этилади. Уларнинг баъзиларида “давлат хизмати” ва “давлат фуқаролик хизмати” бир-бирини тўлдирувчи тушунчалар сифатида қўлланилса, баъзи давлатларда функционал жиҳатдан фарқланади.

Шу жиҳатдан, хорижий давлатлар амалиётини ўрганиш Ўзбекистонда давлат хизматини ташкил этиш ва давлат фуқаролик хизмати лавозимларининг реестрини шакллантиришда амалий аҳамиятга эга.

**Америка Қўшма Штатларида** давлат хизматини ташкил этиш дунёдаги бошқа давлатлар тажрибасидан анча фарқ қилади. АҚШдаги федерация даражасидаги замонавий фуқаролик хизматининг ҳуқуқий асоси 1883 йилда қабул қилинган Фуқаролик хизмати тўғрисидаги қонунда ўз аксини топган. Ушбу қонун давлат хизматини ислоҳ этишда “Пендлтон акти”[4] деб номланиб, қонунга биноан, унда давлат хизматчиси лавозимга тайинланишидан олдин мутахассислик бўйича имтиҳонлардан ўтиши зарурлиги белгиланган. Бундан ташқари, мазкур қонун асосида ягона давлат лавозимлари ва маошлари тизими ўрнатилган.

АҚШда меҳнати учун федерация, штат ёки ҳукумат маҳаллий органи бюджетидан маош оладиган ҳар бир шахс “давлат хизматчиси” (government employee) ёки “ижтимоий сектор хизматчиси” (public employee) ҳисобланади. Одатда, “фуқаролик хизмати” (civil service), “оммавий хизмат” (public service), “ҳукумат хизмати” (government service) атамалари синоним сифатида ишлатилади. Умуман олганда АҚШда давлат хизматини амалга оширувчи мансабдор шахслар, ёрдамчи техник ходимлар, ёлланма ходимлар, жумладан, давлат ўқув муассасаларининг ўқитувчилари, давлат корхоналарининг ва коммунал хизмат соҳалари ишчилари давлат хизматчилари туркумини ташкил этади [5].

**Франция** давлатида эса давлат ҳокимиятининг ҳар уч йўналишида – қонунчилик, ижро ва суд органларида хизмат қилувчилардан бошлаб, пойтахт ва провинциялардаги барча давлат ходимлари давлат хизматида фаолияти юритаётган ҳисобланади.

Шунингдек, Францияда давлат хизмати табақалаштириш тартибига биноан қуйидаги иккита йирик гуруҳга бўлинган:

**Биринчиси**, давлат маъмуриятидаги, шунингдек, маҳаллий жамоат ташкилотлари ва ижтимоий соҳага доир муассасалардаги хизматлар (жумладан, ўқитувчилар ва шифокорларнинг фаолияти);

**Иккинчиси**, ҳарбий хизматчилар, суд ва парламент ходимлари фаолияти.

Бошқача қилиб айтганда, биринчи гуруҳни давлат фуқаролик хизмати, иккинчи гуруҳни эса давлатнинг махсус хизмати, дейиш мумкин [6].

Германияда давлат хизмати тушунчаси “жамият” ёки “оммавий” хизматчи сифатида талқин қилиниб, давлат хизматчилари категориясига давлат муассасаларининг барча ходимлари киритилган. Давлат хизматчиларига бошқарув органлари ходимларидан ташқари, таълим муассасаларида фаолият юритаётган ходимлар ва ўқитувчи-профессорлар, судьялар, вазирлар, Федерал банк аъзолари, шунингдек, полиция ходимлари, ҳарбий хизматчилар, темир йўл ходимлари, почта муассасаларининг ходимлари ва бошқалар киритилган.

**Германиядаги** давлат хизмати давлат хизматчиларига қараб уч гуруҳга бўлинади:

1. Мансабдор шахслар;
2. Хизматчилар;
3. Ишчилар [7]

**Корея Республикасида** эса, давлат хизмати икки гуруҳга бўлинади:

1. Умумий давлат хизмати.
2. Махсус давлат хизмати.

Умумий давлат хизмати технология, илмий тадқиқот ёки маъмурий бошқарув соҳасидаги фаолият бўлиб, уларда фаолият юритаётган давлат хизматчилари маъмурий-

бошқарув хизмати, техник ёрдам бўлими, бошқарув ва операцион хизмат, почта хизмати, илмий тадқиқот ҳамда техник маслаҳат хизмати кабиларда фаолият юритади.

Махсус давлат хизмати бу давлатнинг махсус белгиланган вазифа ва функцияларини амалга оширувчи фаолият ҳисобланади. Ушбу турдаги давлат хизматида фаолият юритаётган давлат хизматчиларига судьялар, прокурорлар, ташқи хизмат ходимлари, полициячилар, ўт ўчирувчилар, таълим соҳаси ходимлари, қуролли кучлар хизматчилари, ҳарбий соҳада фаолият олиб борувчи ҳарбий бўлмаган фуқаролар, Конституцион суднинг илмий тадқиқотчилари, Миллий разведка хизмати ходимлари, хавфсизлик хизмати вакиллари киради [8, Б.46].

Айрим юридик адабиётларда, давлат хизмати тушунчаси билан бир қаторда маҳаллий органларда амалга ошириладиган хизмат бўйича фикрлар билдирилган. Масалан, ҳуқуқшунос олим В.И.Фадеевнинг фикрича, маҳаллий органларда хизматни ўташ:

- маҳаллий органларни ташкил этиш бўйича бўладиган ижтимоий муносабатлар;
- маҳаллий органлар ва унинг маҳаллий мулкни, маҳаллий хўжаликни бошқариш, маҳаллий бюджетни шакллантириш ва ижро этиш бўйича органларининг фаолияти билан боғлиқ бўлган ижтимоий муносабатлар;

- қонун ҳужжатлари асосида давлатнинг айрим ваколатларининг маҳаллий органлар томонидан амалга оширилиши, қонунларни ҳамда юқори турувчи органлар ҳуқуқий актлари ижро этилишини ташкил этиш ва амалга ошириш жараёнларида юзага келадиган ижтимоий муносабатлар;

- маҳаллий органлар томонидан конституциявий ҳуқуқни ва суд ҳимоясини амалга ошириш жараёнида юзага келадиган ижтимоий муносабатлар юзага келиши мумкин [9].

Демак, ҳар бир давлатда давлат хизмати соҳаси ўз тузилиши ва хусусиятига эгадир. Ўзбекистон Республикаси қонунчилигидан келиб чиқиб айтадиган бўлсак, “давлат хизмати” “давлат фуқаролик хизмати”дан кенгроқ тушунча ҳисобланади ва ўз ичига давлат аппаратининг барча тармоқларини қамраб олади. “Давлат фуқаролик хизмати” деганда эса ҳарбий ёки ҳуқуқни муҳофаза қилиш хизматидан ташқари барча давлат бошқарувидаги хизматларни тушуниш мумкин. Чунки ҳуқуқни муҳофаза қилувчи, мудофаа, давлат хавфсизлиги органларида, дипломатик, божхона, солиқ ва қўтқарув хизматида хизмат ўтаётган давлат хизматчиларининг ҳуқуқий мақоми алоҳида қонун ҳужжатлари билан тартибга солинади.

Шунингдек, давлат фуқаролик хизматининг аниқ турлари ва лавозимлари Давлат реестрига киритилган лавозимлар кўринишида тасдиқланади. Ушбу хизматчилар қаторига марказий ва маҳаллий даражада фаолият кўрсатадиган барча давлат фуқаролик хизматчилари киради. 2022 йил 28 май куни бўлиб ўтган Олий Мажлис Сенатининг 26-ялпи мажлисида анча вақтдан буён муҳокама бўлиб келадиган «Давлат фуқаролик хизмати тўғрисида» ги Қонун сенаторлар томонидан бир овоздан маъқулланди. Ушбу қонун бевосита ҳаракат ҳужжати сифатида ишлаб чиқилган ва давлат хизматини ҳар томонлама ҳуқуқий тартибга солишга қаратилган ҳужжатдир. Қайд этиш керакки, мазкур қонун нормалари фақат давлат реестрига киритилган лавозимларда фаолиятни амалга оширадиган давлат хизматчиларига тегишлидир. Сенаторлар томонидан маъқулланган «Давлат фуқаролик хизмати тўғрисида» ги Қонунда бир қатор асосий тушунчалар берилган бўлиб, улардан бири давлат хизматчиси тушунчаси ҳисобланади. Унга кўра, давлат хизматчиси – доимий, вақтинча ёки махсус ваколат бўйича тайинладиган, сайладиган, ҳокимият вакили вазифаларини бажарадиган ёхуд давлат органи ёки ташкилотда ташкилий-бошқарув, маъмурий-хўжалик вазифаларини амалга оширадиган ва юридик аҳамиятга эга ҳаракатларни амалга оширишга ваколат берилган, меҳнат шартнома асосида фаолиятни амалга оширувчи шахс деб белгиланмоқда.

Хулоса қилиб айтганда “давлат хизмати” ва “давлат фуқаролик хизмати” тушунчаларини аниқ қилиб белгилаш учун “Давлат фуқаролик хизмати тўғрисида” ги Қонунни қабул қилиш долзарб масала ҳисобланади. Чунки ушбу қонунда “давлат хизмати”, “давлат фуқаролик хизмати”, “давлат хизматчиси”, “давлат фуқаролик хизматчиси” тушунчаларини изоҳлаш, давлат фуқаролик хизматчиларининг реестрини шакллантириш ва уларнинг категорияларини белгилаш, шунингдек, мансаб поғоналарида ўсишининг аниқ тартибини жорий қилишда юқорида қайд этилган тадқиқотчиларнинг назариялари ва хорижий давлатлар тажрибасидан фойдаланиш мақсадга мувофиқ бўлади.



**Иқтибослар/Сноски/References:**

1. Ўзбекистон Республикаси Президентининг Фармони. Ўзбекистон Республикасида кадрлар сиёсатини ва давлат фуқаролик хизмати тизимини тубдан такомиллаштиришга оид биринчи навбатдаги чора-тадбирлар тўғрисида // <http://lex.uz/docs/4549998>
2. Старилов Ю.Н. Службное право. – М.: БЕК, 1996.
3. Лазарев Б.М. Государственная служба. – М.: БЕК, 1993.
4. Transcript of Pendleton Act (1883). // <https://www.ourdocuments.gov/doc.php?flash=false&doc=48&page=transcript>
5. “The Federal Civil Service”. DOI University, National Business Center, U.S. Department of the Interior. // <https://web.archive.org/web/20091018051808/http://www.doi.gov/hrm/pmanager/st6.html>
6. Archive: Public employment – France. // [https://ec.europa.eu/eurostat/statisticsexplained/index.php?title=Archive:Public\\_employment\\_-\\_France&oldid=369054](https://ec.europa.eu/eurostat/statisticsexplained/index.php?title=Archive:Public_employment_-_France&oldid=369054)
7. The federal public service. // <https://www.bmi.bund.de/EN/topics/administrative-reform/federal-public-service/federal-publi-service-node.html>
8. Сук К.П. Давлат бошқарувида инсон ресурслари 2018 йил нигоҳида. 2018.
9. Фадеев В.И. Муниципальное право России. Москва, 1994.